

Բդեշխին՝ նոր Քաղաքապետն Երուսաղէմի կալեալ զոմանս
 'ի քնակչաց քաղաքին առանց յանցանաց մատնէր 'ի գանս
 եւ 'ի բանտս, եւ պահանջէր 'ի նոցանէ զծանր տուգանս :
 Ուստի Խորհրդականք Աթուոյն զայս հնարս միայն գտին .
 ճանապարհ ետուն 25 միտրան վարդապետաց, սարկա-
 ւադաց եւ այլոց՝ գնալ յո՞ եւ կամիցին, եւ ոմանց եւս պա-
 տուէր ետուն գնալ 'ի Ռէմլէ եւ 'ի Յոսպլէ եւ մնալ անդ 'ի
 վանս : Ապա զամենայն եկեղեցական անօթս, բաց 'ի հա-
 սարակ կարեւորաց, ժողովեալ տումարաւ եղին 'ի գան-
 ճարան տաճարի Ս . Յակոբայ, եւ զդուռն փակեալ քա-
 րամբք եւ կրիւ անյայտ արարին, եւ թողին բաւական պա-
 րէնս մնացեալ միաբանաց եւ 2000 դահեկան, զոր առին
 յուխտաւորէ ումեմնէ, եւ ետուն ժամ օրհնող Իսահակ
 վարդապետին, եւ ընդ առաւօտն կանխեալ ելին 'ի վանաց
 չորս Խորհրդականքն, որք էին Մկրտիչ, Եղիա, Կարապետ
 եւ Կիրակոս եպիսկոպոսունք (1825 . 'ի 11 Ապրիլի), եւ խոյս
 ետուն 'ի Քերբոն, պատուիրեալ միաբանաց չբանալ այլ
 եւս զմեծ դուռն վանաց : Լուեալ մեծամեծաց քաղաքին
 զխախուստ նոցա՝ կալեալ զայլազգի դռնապան վանաց
 գան հարեալ եղին կասկանօք 'ի բանտ 'ի բերդն, եւ առա-
 քեցին զկնի նոցա 50 զօրականս դարձուցանել զնոսա յե-
 տրս, այլ նոցա ոչ կարացեալ հասանիլ դարձան ունայն
 յետս : Քաղաքապետն եւ նոր Նախիպն առաքեցին գրով
 զբերդապահ քաղաքին եւ հրաւիրեցին զնոսա դառնալ յե-
 րուսաղէմ : այլ մեծ Շէյխն տեղւոյն, առ որ ապաստանեալ
 էին, ոչ եթող տանել զնոսա : Խորհէին գնալ անտի յե-
 դիպոսս եւ մնալ անդ ժամանակս ինչ մինչեւ հասցէ օգ-
 նութիւն իշխանաւորաց : Յուսամբ ասէ նամակագիրն թէ
 վստն այսորիկ ոչ մեղադիր լինիք մեզ, քանզի ոչ կարէաք
 մնալ 'ի Ս . Աթուռն եւ ընդդիմանալ այնչափ ծանր հարկա-
 պահանջութեանց : Զի ամ յամէ բաց յեկեալ արդեանց՝
 վեց եօթն հարիւր քսակ պարտքն յաւելաւ վստն հարկաց
 եւ շահուց պարտատեարց : Որպէս եւ յայսմ ամի զկնի բո-
 վանդակ արդեանց եւ ձուլեալ արծաթոց եւ այլ վաճառեալ
 իրաց, 600 քսակ յաւելեալ է պարտքն : Մանաւանդ զի այլ
 եւս մեծ վտանգի 'ի տուգանաց դուռն բացեալ լինէր,
 եթէ միայաք ասէ 'ի Ս . Աթուռն : Քանզի կալեալ Բդեշխին